

E firma di MoU ta pa carnaval desaroya positivo

ORANJESTAD - Durante e firma entre, ATA, Minister, musico, SAC y Departamento di Cultura, tur e partidonan tabata contento di por a haci esaki. E idea ta pa tur e partinanan aki traha cu otro, pa asina por sigui engrandece carnaval di Aruba.

“Pa nos ta un satisfaccion enorme pa forma parti di un colaboracion cu a inicia e aña aki, a base di e vision y maneho cu minister ta stipulando pa loke ta trata desaroyo cultural na Aruba,” segun sr. Franklin Croes, representante di Departamento di Cultura. E ta sigui bisa, mirando e hecho di a inicia di pone mas atencion na e parti



di celebracion di dande, esaki ta un celebracion grandi di Aruba.

TOPA CU CAMBIO DRASTICO

Departamento di Cultura a topa cu e cambio drastico aki, cu tabata tin pa e mehoracion

pa loke ta trata e celebracion, unda cu mas musico y gruponan a forma nan grupo di dande incluyendo nos minister cu a haci e celebracion grandi. banda di esaki ta haya e celebracion di carnaval.

NO POR WORDO MIRA

LOS DI OTRO

Musica y carnaval no por wordo mira los di otro, pasobra nan ta forma parti integral di otro. Ta na su lugacu nan ta sinta hustamente cu e dos organisacionnan pa firma e Memorandum of Understanding (MoU) pa por colabora den un forma mas estrecho cu otro. Den pasado tabata tin colaboracion caba, pero esaki ta un inicio pa haci esaki na un manera mucho mas structura cu ta contribui na garantisa e continuacion y desaroyo na e siguiente nivel mas halto di ambos actividad.

PARTINAN ESENCIAL

Manera cu sra. Ronella Croes

directora di ATA y Minister sr. Oduber a bisa, door cu musica y carnaval ta partinan asina esensial cu ta wordo uza como promove turismo. Pero tambe nan ta forma parti esensial di economia, cual ta mas cu husto ta den e direccion aki mester bay. Y di parti Departamento di Cultura, mirando tambe e deseo di minister pa nos ta mas visibel den comunidad, ta haci cu logicamente nos ta forma parti di e desaroyo aki. gradiciendo ATA, Minister di a acerca nan pa por forma parti di un desaroyo nobo cu ta bay duna su frutanan sigur den futuro. Y door di traha hunto lo garantisa e desaroyo positivo di carnaval. □